

紹興地志述略

紹興地志述略



中華民國二十年九月初版

每册定價大洋六角

外埠酌加郵費匯費

編輯者

紹興尹幼蓮

代印處

紹興印刷局

寄售處

紹興各大書坊

通訊處

紹興水澄里
香粉弄七號

編輯大意

- 一、本書以紹興山川道里。向無紀載專書。故輯是篇。以供鄉土之參考。
- 二、本書分十六章。就地志上之扼要者。約略述之。故曰紹興地志述略。
- 三、本書爲閱者便於記憶起見。故取材特簡。
- 四、本書以會稽多佳山水著名。故山水名勝之關於古跡者。取材比較稍詳。兼備覽勝之用。
- 五、本書於各地之距離。仍以離城若干里計者。係就其地所在方向之城郭爲標準而已。而城制則已久廢。諒不以詞混意。
- 六、本書之街市圖。其機關團體名稱。因限於篇幅。故用編號對照。
- 七、本書因編者個人智識有限。漏誤之處。在所難免。並希閱者隨時指正。

目錄

緒言

第一章

沿革

第二章

疆界

第三章

形勝

第四章

山川

第五章

水利

第六章

城址

第七章

衢路

第八章

鄉路

第九章

本縣區域之編劃

第十章

鎮里鄉村之參考

第十一章

四鄉水陸要道

第十二章

鄉鎮與城之距離

第十三章

交通

第十四章

紀念地及名勝古跡

第十五章

物產

第十六章

風俗

緒言

越爲浙東勝境。湖有鏡水之秀。山有會稽之雄。大好風光。應有紀述。幼不才。奚敢置其辭。然生長本鄉。於鄉之山川道里。往賢陳跡。自宜具相當之常識。爰加探討。輯爲是書。以求正於邦人。而遐方賢達。作會稽遊者。手此一篇。其亦恕其拙而採其俗乎。則幼之幸矣。

第一章 沿革

紹興爲古荒服之國。禹平水土。制九州。遂劃在揚州之域。禹東巡狩。會諸侯於國之苗山。以計功。始更名其山曰會稽。會稽者。會計也。後少康封庶子於會稽。以奉守禹祀。號曰於越。傳二十餘世。至於勾踐。是爲越王。傳六世。爲楚所併。泊秦漢代興。置會稽郡。至隋廢郡制。改爲吳州。大業初。改越州。後復爲會稽郡。唐乾元中。其地置浙江東道節度觀察等使。唐末。封錢鏐爲吳越國王。至晉時。錢元瓘始奏置新昌。并會稽。山陰。諸暨。剡。餘姚。蕭山。上虞。而八也。宋仍改越州。領縣如故。宣和中。易剡曰嵎。建炎三年。高宗自杭州如越。明年。改元紹興。始升爲紹興府。元仍其地名紹興路。明洪武二年。復名紹興府。清代因之。至民國光復。廢府治。合山陰。會稽兩地曰紹興縣。遂成今名。

第二章 疆界

紹興爲浙東繁衝之縣。合舊山會兩縣之地。面積約一百二十方里。西北界蕭山。西南界諸暨。東界上虞。南界嵎縣。西南多山。東北瀕海。故地勢西南高而東北低。西小江在其西。曹娥江在其東。運河自蕭山境來。橫貫以達上虞。全縣劃自治區域爲十區。而教育。警察。清鄉。劃區均同。

之。第一區爲舊城區及附郭。第二區爲皋埠區。第三區爲東關區。第四區爲湯浦區。第五區爲平水區。第六區爲漓渚區。第七區爲臨浦區。即山頭埠區。第八區爲柯橋區。第九區爲安昌區。第十區爲孫壩區。以上第二區至第十區。各就其鄰近之各鄉村屬之。當於第九章詳列其區域之編劃。合計之則爲七十二鄉。四百九十八村。上年辦理土地陳報。全縣劃作十五區。而鄉村市鎮名稱。亦有所更改。近則自治行政。概作十區爲標準矣。就地理上之位置言。則第一、二、三、八、十區爲平原。第四、五、六區爲山地。第七、九區則憑江臨海。全縣戶數二十四萬。弱人口一百二十七萬。強。務農者佔百分之七十。每年可徵地丁銀十三萬三千六百二十五兩。但歷屆實徵之數。統扯不過七成左右。

第三章 形勝

越自勾踐生聚教訓。竟滅強吳。續五霸。二孫據江東。俱自領會稽太守。晉東渡之初。三吳豪蓋。請都會稽。五代之亂。錢氏據兩浙。越獨爲完州。南宋都臨安。則紹興爲股肱郡。明置海防諸軍。紹興實據其抗。近來東西公路交通。滬杭甬鐵路積極籌築。紹興尤爲東西來往之要道。一統志稱縣城之勝。謂鑑水環其前。臥龍擁其後。稽山出其東。秦望直其南。自浙以東。最爲勝境。

第四章 山川

本縣諸山。南從朱華峰起頂。北來分三支。一支自大亭山入。爲臥龍。一支自小亭山、外山入。爲飛來峰。一支自禹陵入。爲戴山。南新志曰。天下之山。祖於崑崙。其分支於岷山者。爲南條之宗。掖江漢之流。奔馳數千里。歷衡、逾、郴、包、絡、甌、閩。而東赴於海。又折而北。以盡於會稽。故會稽爲南鎮。鎮止也。南條諸山所止也。越郡正當會稽諸山之中。郡城之外。萬峰回合。若連雉環戟。而中涵八山。八山者。又會稽諸山之所止（中略）亦越中諸水之關也。百源之流。皆來萃於八山之間。停演璇伏。然後合流而北。以出於陡壘。故八山又越中諸水之所會。今將本縣諸山摘要分誌於左。

臥龍山 舊名種山。越大夫種所葬處。現已闢爲中山公園。

火珠山 在臥龍山東隅。與龍山首相對。舊有稽山閣。今廢。

峨眉山 在火珠下百餘步。石隱起土中。狀如娥眉。有娥眉庵。

龜山 在臥龍南三里。遠望似龜形。一名飛來山。又名怪山。又名寶林山。爲勾踐所起遊臺也。上有塔。名應天。即塔山。

鮑郎山 一名陽堂山。在臥龍南三里許。

戴山 在臥龍東北三里許。昔產戴。越王勾踐嘗採食之。晉王羲之宅在焉。又名王家山。西有右軍祠。後爲戒珠寺。亦名戒珠山。今縣一校在此。

白馬山 在戴山東南一里許。

彭山 在白馬山東。舊經曰。彭祖隱居之地。

註。以上即城中八山。

亭山 在城南十里。山形獨立如亭。故名。明胡大海攻城。常駐兵於此。

賴山 在城西南六里。以近城。勾踐樵採賴之。今俗呼外山。

絹山 在城南六里。石紋如疊絹。

龍尾山 在城西南二十里。與臥龍山首尾相望。故名龍尾山。

峽山 在城西南二十里。兩山夾水。村人自號雙山。又曰兩山。

項里山 在城西南二十里。山下地名項里。昔項梁與籍居此。

容山 在城西南二十七里。其上平曠可容。故名。

蘭渚山 在城西南二十七里。勾踐樹蘭於此。北流爲蘭亭溪。晉王羲之等四十二人修禊處。

玉架山 在城西南三十三里。三峯如筆格。秀麗如畫。

銅井山 在城西南七十里。有潭曰龍井。其色正黃若銅。

漓渚山 在城西南三十里。有謝尚書塢。

柯山 在城西南三十餘里。山皆石。東有石佛。高五丈餘。

馬鞍山 在城西北四十里。狀如馬鞍。唐天寶間。改名人安山。

下方山 在城西北四十里。有下方寺。

塗山 在城西北四十五里。一考在城東南十里。禹會萬國之所。山麓有斬將臺。有

石船長丈。云禹所乘。宋元嘉中。於船側掘得鐵履一雙。梁初。又掘得青玉印。

碧山 在城西北四十餘里。石色碧潤。四時不易。一名黨山。北有洞。極深奧。

巫山 在城北十五里。一名梅山。爲漢梅福隱居之所。

下馬山 在城北二十五里。秦始皇東巡。息駕於此。

大峰山 在城北三十五里。有石洞曰風洞。俗曰駝峯山。

禹山 在城北三十里。大禹曾駐蹕於此。

石城山 在城北三十里。吳越王錢鏐討董昌。攻石城。去越三十里。即此。

會稽山 在城東南十二里。有大禹陵。

宛委山 在城東南十五里。山上有石簀。壁立于雲。

秦望山 在城東南四十里。秦始皇登之。以望東海。

刻石山 在城西南五十里。一名鵝鼻。以秦始皇刻石其上。故名。有洞亦曰風洞。遇風雨。

聞鼓樂聲。

望秦山 在城東南三十五里。與秦望山相接。始皇登之。以望秦中者也。一名天柱峰。

雲門山 在城南三十里。晉王羲之居此。

何山 在城東南四十七里。南宋何胤所居。王十朋謂秦刻石在其上。

若耶山 在城南四十四里。下有採蓮田。東又有若耶嶺。下復有潭。潭上有葛仙石。

赤堇山 在城東三十里。歐冶子爲越王鑄劍之所。

射的山 在城南十五里。遠望山的狀若射候。故謂射的山。足有酒甕石。三石品峙。其狀若甕。

石旗山 與射的山相連。形如張旗。旁有石室。宋建炎中。士大夫避地於此。

石帆山 在城東十五里。山東北有孤石。望之如帆。

葛山 在城東十里。勾踐種葛於此山。使越女治以爲布。獻吳王。

箬簣山 在城東十二里。秦始皇東遊。於此供芻草。俗呼遶門山。

少微山 在城東十里。箬簣山北。宋職方郎齊唐隱居處。

土城山 在城東六里。少微山西北。越王作土城以貯西施。故亦名西施山。今五雲門外有土城村。西施里。

寶山 在城東南二十五里。一名上皋山。山崦有趙家嶼。即南宋攢宮地也。

錫山 在城東五十里。越王採錫於此。

跳山 在城東三十五里。俗傳錢王鏐微時。販鹽遇官兵。跳避此山。石壁書大吉字。並指腳跡俱存。

銀山 在城東五十里。無草木。產銀沙。

鷄山 在城東南六十里。勾踐畜鷄。將伐吳。以食士也。

諸葛山 在城東南六十里。葛洪嘗棲於此。爲會稽第一山。

舜山 在城東南四十里。俗傳大舜遊憇於此。

豐山 在城東北六十里。錢鏐王曾屯兵於此。

稱山 在城東六十里。越王稱炭鑄劍於此。俗呼稱心山。

鄭弘山 在城東三十里。以漢太尉弘名。

稷山 在城東五十里。舊名穢山。越王種菜於此。

犬山 在城東南三十里。勾踐畜犬。獵南山白鹿。欲以獻吳。故曰犬山。其亭爲犬亭。歲久相延。呼爲狗山。又曰吼山。俗爲宋攢陵所在。諸山皆拱。此山獨否。故名曰吼。

第五章 水利

越本澤國。禹治水終於會稽。蓋地勢最爲卑下。自漢馬太守臻。築壩興湖。從八邑流來之水。俱以湖爲水庫。然上下歷代。田日增。湖日損。至今侵湖者。猶日未已。地狹人稠。固其勢也。自上年